



Broj/ Број : 02/2-50-1-9-24/04
Sarajevo/ Сарајево : 27. 09. 2004.

Z A P I S N I K

sa 24. sjednice Komisije za vanjsku i trgovinsku politiku Doma naroda Parlamentarne skupštine BiH održane 27. 09. 2004. godine

Dvadesetčetvrtu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Anto Spajić, Vinko Radovanović, Nade Radović i Osman Brka, kao i Nevenka Savić, sekretar Komisije. Velimir Jukić bio je opravdano odsutan.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio Dnevni red:

DNEVNI RED

1. Usvajanje Zapisnika sa 23. sjednice Komisije;
2. Saglasnost za ratifikaciju Konvencije o osnivanju Vijeća za carinsku saradnju – predlagač Predsjedništvo BiH;
3. Saglasnost za ratifikaciju Sporazuma o izmjenama Okvirnog sporazuma o slivu rijeke Save i Protokola o režimu plovidbe uz Okvirni sporazum o slivu rijeke Save – predlagač Predsjedništvo BiH;
4. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 23. sjednice Komisije

Zapisnik sa 23. sjednice Komisije je jednoglasno usvojen.

Ad. 2. Saglasnost za ratifikaciju Konvencije o osnivanju Vijeća za carinsku saradnju – predlagač Predsjedništvo BiH

Predsjedavajući je konstatirao da predstavnik predlagača nije prisutan. Predsjedavajući g. Čengić je ukratko govorio o odredbama Konvencije, nakon čega su članovi Komisije jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Konvencije.

Ad. 3. Saglasnost za ratifikaciju Sporazuma o izmjenama Okvirnog sporazuma o slivu rijeke Save i Protokola o režimu plovidbe uz Okvirni sporazum o slivu rijeke Save – predlagač Predsjedništvo BiH

Predsjedavajući je konstatirao da predstavnik predlagača nije prisutan. Predsjedavajući g. Čengić je ukratko govorio o odredbama koje mijenjaju originalni tekst Sporazuma, nakon čega su članovi Komisije jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 4. Tekuća pitanja

Pod ovom tačkom Dnevnog reda članovi Komisije su razmatrali problem neodazivanja predstavnika predlagača na sjednice Komisije i tim povodom, jednoglasno usvojili sljedeće zaključke koji se upućuju Kolegiju Doma naroda:

- a) Traži se od Kolegija Doma naroda da u saradnji sa Kolegijem Predstavničkog doma pronađe rješenje za pitanje ko na komisijama Parlamentarne skupštine BiH treba biti predstavnik predlagača za međunarodne sporazume i konvencije: Predsjedništvo BiH ili Vijeće ministara BiH;
- b) U svojstvu predstavnika predlagača na Komisiji za vanjsku i trgovinsku politiku, kao i na drugim nadležnim komisijama, treba da se pojave osobe koje mogu kompetentno informirati članove komisija o predloženim materijalima;
- c) Od naredne sjednice Komisija neće razmatrati nijedan materijal u odsustvu predstavnika predlagača.

Predsjedavajući Komisije

Hasan Čengić